

22. Sj. SKS → 27.12.2012.

ODLUKU

O IZMJENI ODLUKE O USKLADIVANJU STATUSA JAVNOG PREDUZEĆA "TELEVIZIJA KANTONA SARAJEVO" SA ZAKONOM O JAVNIM PREDUZEĆIMA FEDERACIJE BOSNE I HERCEGOVINE

Član 1.

U Odluci o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 33/05, 30/08, 25/09, 22/11 i 3/12), u članu 36. stav 1. riječ "četiri" se zamjenjuje riječju "dva".

Član 2.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-31456/12 Predsjedavajuća
27. decembra 2012. godine Skupštine Kantona Sarajevo
Sarajevo Prof. dr. **Mirjana Malić**, s. r.

Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 31/04), člana 28. Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11) i člana 59. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćen tekst, broj 41/12), Skupština Kantona Sarajevo, na sjednici održanoj dana 27.12.2012. godine donijela je

ODLUKU

O DAVANJU SAGLASNOSTI NA POSLOVNIK O RADU VIJEĆA NACIONALNIH MANJINA KANTONA SARAJEVO

I

Daje se saglasnost na Poslovnik o radu Vijeća nacionalnih manjina Kantona Sarajevo, s tim da se u članu 5. stav 1. briše odredba koja glasi: "Stalni predstavnici Vijeća u Komisiji za pravdu, ljudska prava i građanske slobode i Komisiji za ustavna pitanja, imaju status vanjskih članova Komisija sa pravom glasa."

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-31457/12 Predsjedavajuća
27. decembra 2012. godine Skupštine Kantona Sarajevo
Sarajevo Prof. dr. **Mirjana Malić**, s. r.

Na osnovu člana 28. Zakona o pravima pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), Vijeće nacionalnih manjina Kantona Sarajevo, uz suglasnost Skupštine Kantona Sarajevo, na sjednici održanoj dana 14.09.2012. godine usvojilo je

POSLOVNIK

O RADU VIJEĆA NACIONALNIH MANJINA KANTONA SARAJEVO

I. OSNOVNE ODREDBE

Član 1.

Obim Poslovnika

- (1) Ovim poslovníkom, u skladu sa odredbama Zakona o pravima pripadnika nacionalnih manjina u Kantonu Sarajevo uređuje se: organizacija, način rada i druga pitanja od značaja za rad

Vijeća nacionalnih manjina Kantona Sarajevo (u daljem tekstu: Vijeće).

- (2) Skupština Kantona Sarajevo, osniva Vijeće nacionalnih manjina Kantona Sarajevo kao stalno savjetodavno tijelo.

Član 2.

Sjedište Vijeća

Sjedište Vijeća je u Sarajevu, u prostorijama Kantona Sarajevo, u ulici Obala Kulina bana br. 4.

Član 3.

Dopuna Poslovnika

Ako neko pitanje u vezi sa radom Vijeća nije uređeno ovim poslovníkom, uređit će se zaključkom Vijeća.

II. CILJEVI VIJEĆA

Član 4.

Vijeće pokreće inicijative i podnosi nacрте zakona, odluka i drugih akata iz nadležnosti Skupštine Kantona, daje prijedloge za izmjenu i dopunu prijedloga zakona, odluka i drugih akata u obliku amandmana, prati stanje i primjenu propisa, zauzima stavove, daje prijedloge i preporuke organima vlasti u Kantonu, po svim pitanjima koja su od značaja za položaj i ostvarivanje prava pripadnika nacionalnih manjina u Kantonu Sarajevo.

Član 5.

- (1) Vijeće delegira po jednog stalnog predstavnika u Komisiju za pravdu, ljudska prava i građanske slobode i Komisiju za ustavna pitanja Skupštine Kantona.
- (2) Vijeće i može povremeno delegirati po jednog predstavnika koji će učestvovati u radu drugih komisija i radnih tijela Skupštine Kantona, kada se raspravlja o stanju ljudskih prava u Kantonu, uključujući i prava pripadnika nacionalnih manjina, te kada se razmatraju predstavke i žalbe pripadnika nacionalnih manjina i druga pitanja od značaja za ostvarivanje prava i obaveza pripadnika nacionalnih manjina.
- (3) Vijeće može angažirati stalne savjetnike odnosno povremeno angažirati eksperte za određene oblasti iz reda pripadnika nacionalnih manjina, ali i neovisne eksperte iz reda pripadnika konstitutivnih naroda.
- (4) Vijeće podržava rad registrovanih udruženja građana pripadnika nacionalnih manjina u Kantonu Sarajevo.

III. ORGANIZACIJA, SASTAV I TIJELA VIJEĆA

Član 6.

Vijeće

- (1) Vijeće čine po jedan predstavnik nacionalne manjine iz člana 3. Zakona o pravima pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11).
- (2) Skupština Kantona Sarajevo (u daljem tekstu: Skupština), imenuje Vijeće na prijedlog udruženja pojedine nacionalne manjine koje ima registrirano sjedište na teritoriji Kantona Sarajevo.

Član 7.

- (1) Mandat članova Vijeća traje četiri godine.
- (2) U opravdanim slučajevima, Skupština tokom trajanja mandata može provesti postupak zamjene člana Vijeća, na prijedlog udruženja pojedine nacionalne manjine koja ima registrovano sjedište na teritoriji Kantona i Komisije za pravdu, ljudska prava i građanske slobode Skupštine, uz navođenje opravdanih razloga za predloženu zamjenu.

Član 8.

- (1) Konstituirajuću sjednicu Vijeća svojim potpisima saziva dvotrećinska većina imenovanih predstavnika nacionalnih manjina. Konstituirajuća sjednica Vijeća može započeti rad ako je na sjednici prisutna većina od ukupnog broja imenovanih predstavnika nacionalnih manjina.
- (2) Vijeće se konstituira izborom predsjedavajućeg i dva zamjenika između imenovanih članova Vijeća.

Član 9.

- (1) Vijeće može raspravljati i odlučivati ako je na sjednici prisutna natpolovična većina vjećnika, a odlučuje se većinom glasova onih koji su prisutni i glasaju.
- (2) Vijeće većinom glasova svih vjećnika donosi Poslovnik, program rada, finansijski plan, odlučuje o izboru i razrješenju predsjedavajućeg, zamjenika predsjedavajućeg Vijeća, te u drugim slučajevima propisanim zakonom i Poslovníkom o radu Vijeća.

Član 10.

- (1) Sjednicu Vijeća saziva predsjedavajući, u skladu sa programom rada, najmanje jednom mjesečno.
- (2) Sjednicu saziva, pismenim putem, odnosno putem elektronske pošte, najmanje 5 dana prije planiranog održavanja.
- (3) Izuzetno, u hitnim slučajevima, Vijeće se može sazvati i u kraćem roku uz dostavu materijala neposredno na sjednici.
- (4) O sjednicama Vijeća i njegovim radnim tijelima vodi se zapisnik. Zapisnik, sa popisom prisutnih i odsutnih članova Vijeća te donijetim zaključcima ili odlukama verificira se na prvoj slijedećoj sjednici Vijeća. Zapisnik obavezno potpisuje predsjedavajući vijeća ili osoba koja je na sjednici predsjedavala i zapisničar.

Član 11.

Predsjedavajući Vijeća

- (1) Predsjedavajući Vijeća ima pravo i dužnost da:
 - Predstavlja Vijeće u Bosni i Hercegovini i inostranstvu;
 - Učestvuje u pripremama, saziva i vodi sjednice Vijeća;
 - Inicira stavljanje na dnevni red sjednica Vijeća pitanja iz nadležnosti Vijeća;
 - Potpisuje akta usvojena od strane Vijeća.
- (2) Predsjedavajući Vijeća u obavljanju svojih dužnosti obavlja redovne konsultacije sa svojim zamjenicima.
- (3) Zamjenici predsjedavajućeg zamjenjuju predsjedavajućeg u slučaju njegove odsutnosti ili spriječenosti. Zamjenici predsjedavajućeg mogu se dogovoriti o poretku, odnosno redoslijedu zamjenjivanja.

IV. FINANSIRANJE I PODRŠKA RADU VIJEĆA

Član 12.

- (1) Sredstva za rad Vijeća, na prijedlog Vijeća, osiguravaju se u budžetu Kantona.
- (2) Stručnu i administrativno-tehničku podršku radu Vijeća pruža Služba za skupštinske poslove Skupštine Kantona koja određuje i jednog namještenika za obavljanje administrativno-tehničkih poslova za potrebe Vijeća.
- (3) Nadležna tijela Kantona Sarajevo dužna su na zahtjev Vijeća, pružiti sve oblike podrške koje zatraži Vijeće.

V. JAVNOST RADA

Član 13.

- (1) Rad Vijeća je javan.
- (2) Radi ostvarivanja načela javnosti rada može se omogućiti predstavnicima sredstava javnog informisanja da neposredno prate rad Vijeća ili se o tome mogu davati saopćenja.
- (3) Javnost rada osigurava se i ostvaruje izvještavanjem pripadnika nacionalnih manjina. Pripadnici sredstava informisanja mogu sudjelovati u radu sjednice Vijeća.

VI. ZAVRŠNE ODREDBE

Član 14.

Izmjene i dopune Poslovníka izvršit će se na način kako je i donešen.

Član 15.

Poslovnik stupa na snagu nakon davanja saglasnosti Skupštine Kantona Sarajevo, a objavit će se u "Službenim novinama Kantona Sarajevo".

Broj 01-05-24923-1/12

14. septembra 2012. godine
Sarajevo

V. d. predsjedavajući Vijeća
Davor Ebner, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 14/00, 4/01, 28/04) i člana 39. stav 1. alineja 6. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo" broj 4/04), a u skladu sa članom 108. Poslovníka Skupštine Kantona Sarajevo ("Službene novine Kantona Sarajevo" - prečišćeni tekst, broj 12/05 i 07/08) Skupština Kantona Sarajevo je na 22. sjednici održanoj 27.12.2012. godine, donijela

ODLUKU

**O DAVANJU SAGLASNOSTI NA IZMJENE I DOPUNE
FINANSIJSKOG PLANA PRIHODA I IZDATAKA
JU "SLUŽBA ZA ZAPOS LJAVANJE KANTONA
SARAJEVO" SARAJEVO ZA 2012. GODINU**

I

Daje se saglasnost na Izmjene i dopune Finansijskog plana prihoda i izdataka Javne ustanove "Služba za zapošljavanje Kantona Sarajevo" Sarajevo za 2012. godinu, koje su sastavni dio ove Odluke.

II

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01-05-31459/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić, s. r.**